



**Philippi Ecclesiae Eystettensis XXXIX. Episcopi. De  
Eiusdem Ecclesiae Divis Tvtelaribvs. S. Richardo. S.  
Willibaldo. S. Wvnibaldo. S. Walpvrga. Commentarius  
nunc primum evulgatus**

**Philipp <Eichstätt, Bischof>**

**Ingolstadii, 1617**

Cap. IX. De nauigatione ipsorum, & tempestate per orationes sedata.


---

[urn:nbn:de:hbz:466:1-70477](https://nbn-resolving.org/urn:nbn:de:hbz:466:1-70477)

adhærentes inter filios Dei, & inter electos  
 fors illorum est. Contra hos, & eisdem con-  
 similes insensatos accusantes aduersus ele-  
 ctos Dei, non immeritò pugnabit orbis ter-  
 rarum, quoniam Deus armavit creaturam  
 in ultionem inimicorum suorum, qui gre-  
 gem sibi dilectum, & pretioso sanguine suo  
 redemptum rabido ore dilacerare non ve-  
 rentur.

## CAPVT IX.

*De nauigatione ipsorum, & tempestate per  
 orationes sedata.*

 Pretis autem omnium detrahenti-  
 um oblocutionibus progreditur illa  
 secunda & læta in Domino societas, & ad por-  
 tum maris, Deo fauente, prosperè peruenit.  
 Inibi autem fixerunt tentoria, ac pro recrea-  
 tione, nec non magis Sanctorum limina,  
 & sanctificationum loca inuisere cupien-  
 tes, per aliquot dies demorati sunt, & captã-  
 tes auram transfretandi optabilem, nautis  
 commiserunt, quatenus tempus nauigan-  
 di competentius obseruarent. Quo, Deo  
 fa-



fauente, concessio, pater cum filiis ac alia comitiua nauem conscenderunt, & dantes vela ventis per mare Anglicanum circiter usque ad dimidium sui transitus prosperè peruenerunt. Sed inimicus humani generis diabolus, qui Sanctis Dei semper aduersari cupit, & S. Richardo ac filiis eius multa præstitit impedimentorum tentamenta, mare sequere fecit, ac deinde in turbulentam & horribilem tempestatem insurgere compulit; & contrarietate ventorum in tantum iniuriosis undis procellabantur, vt nauæ & omnes, qui in naui erant, periclitari videntur. Demittentes ergo vela, remosque proijcientes, mortem sibi è vicino imminentem cum nimio pauore præstolabantur, de sola animarum suarum salute solliciti Deum in clamabant. Quod B. Richardus videns filiis dixit: Oremus ad Dominum, vt manu suæ potentia ad honorem sui nominis omnes nos liberet ab ista importuna tempestate, quæ machinamento diaboli undis & aëri immissa est. Genuculantes ergo pater & filij, Dominum deprecabantur dicentes:

*Per mare Anglicanum vela faciunt.*

*Oritur tempestas.*

*S. Richardus exhortatur suos ad preces.*

*Oratio Sanctarum.*

Do-



Exaudiuntur,  
tranquillato ma-  
ri.

Psal. 91.

Domine Deus, qui das salutem Regibus,  
qui redemisti Dauid seruum tuum; erue  
nos in mirabilibus tuis, & da gloriam no-  
mini tuo, & fac nobiscum misericordiam  
tuam. Tunc pius, ac misericors Deus preces  
seruorum suorum ad se clamantium exau-  
diuit. *Et mirabilis in altis Dominus, mirabi-  
les elationes maris cōpescuit*, ita vt in semi-  
mitis maris securo transitu votiue ad portū  
salutis applicarent. Vnde hinc admiratione  
nautæ, & oēs qui in naui erāt, de subita quie-  
tatione maris perculsi, voce magna clama-  
bant dicentes: Qui sunt hi, qui in virtute o-  
rationis & autoritate Dei, mari & ventis  
præcipiunt, ac eis ad beneplacitum obedi-  
unt? Et ex tunc patrem & filios per ampliori  
honore, tanquam electos Dei, veneraban-  
tur. Et cum peruenissent ad aridam, gaudē-  
tes de naui descenderunt, & metati sunt ca-  
stra, figentes tentoria, ibidem per aliqua in-  
terualla temporum pausauerunt.

Et signanter considerandum est, fratres  
charissimi, quod Dominus hos discipulos,  
hoc est, patrem & filios suos, ab æterno præ-  
desti-



destinatos, de mari vocauit; quemadmodum Petrum & Andream mittentes in mare <sup>Matth. 4.</sup> retia, & Iacobum, & Ioannem in nauicū patre reficientes retia sua, vt essent futuri piscatores hominum, sic igitur & hos elegit, vt exemplo & verbo homines piscarentur, sicut futuri pastores Ecclesiæ, vt in sequentibus euidenter apparebit.

## CAPVT X.

*De peruentione ipsorum in Luccam ciuitatem Italia, in qua mortuus est S. Richardus pater eorum.* <sup>Lucan.</sup>

**E**gitur more solito, ad limina Sanctorum hinc inde inquisitorum properabant, de vita, morte, miraculis, ac virtutibus Sanctorum quæritantes, & in his mirum in modum delectantes, ac Sanctis congaudentes in omnib<sup>9</sup> donis gratuitis, quib<sup>9</sup> Deus magnificauit misericordiam suam cū illis, mirificans eos in omnem voluntatem suę prædestinationis. Et vt breui verbo lōga spatia percurramus, cōtinuantes iter suum, ad ciuitatem Italiæ\* que Lucca vocatur, tā- <sup>Lucan.</sup>

G . dem